

Ulloq: 10. februar 2020
Allaffik: Nordatlanteheden
Suliarinn.: Julie Christine Gade
Mikkelsen
Suliaq nr.: 2017-490-0004
Dok.: 943782

Uunga

MISSINGIUT

Kingornussisarnermik inatsisip Kalaallit Nunaanni atuutilersin- neqarneranik peqqussut

UAGUT MARGRETHE AAPPAAT, Guutip saammaassineratigut Dan-
markip Dronningia, uppersarparput:

Inatsit nr. 515, 6. juni 2007-imeersumi (kingornussisarnermik inatsimmi) § 105ⁱ, eqqartuus-
sarnermik inatsisip, eqqartuussivimmut akitsuutit pillugit inatsisip kiisalu kingornussisar-
nermik inatsisip (Eqqartuussivikkut isumaqatigiissitsiniaaneq il. il.) allangortinneqarnis-
saat pillugu inatsit nr. 168, 12. marts 2008-meersumi § 5ⁱⁱ, toqusup pigisaasa agguarneqar-
nerat pillugu inatsisip aamma inatsisit allat assigiinngitsut (Toqusup pigisaasa agguarneqar-
nerat pillugu inatsisip iluarsartuuteqqinnera il.il.) allangortinneqarnissaat pillugu inatsit
nr. 221, 21. marts 2011-meersumi § 16, imm. 2ⁱⁱⁱ, meeqqat pillugit inatsisip, meeravissi-
artaarneq pillugu inatsisip, eqqartuussisarnermik inatsisip inatsisillu allat assigiinngitsut
(Anaanaaqatigiinneq il. il.) allangortinneqarnissaat pillugu inatsit nr. 652, 12. juni 2013-
imeersumi § 10, imm. 2^{iv}, Udbetaling Danmark pillugu inatsisip aamma inatsisit allat assi-
giinngitsut (Statens Administration Finansservicecenter-imit il.il. suliassanik Udbetaling
Danmarkimut nuussineq il.il.) allangortinneqarnissaat pillugu inatsit nr. 628, 8. juni 2016-
imeersumi § 56, imm. 3^v, naapertorlugit aalajangersarneqarpoq inatsit Kalaallit Nunaanni
atuutilersinneqassasoq imatut oqaasertalerlugu:

Kapitali 1

Ilaquttat kingornussisinnaatitaanerat

Inatsit malillugu kingornussineq

§ 1. Kingornussassanik qimataqartut ilaquttatut qaninnerpaamik kingor-
nussisussai tassaapput taassuma meerai. Meeqqat naligiissumik kingornus-
sissapput.

Imm. 2. Meeraq ataaseq toqsimappat, taassuma meerai pineqartup inissisimaffianut inississapput, akornaminnilu naligiissumik kingornussillutik. Assigisaanik periuseqarluni inuunerminni kingornussisinnaatitaasut ungasinnerusumik ilaqutaasut kingornussissapput.

§ 2. Kingornussassanik qimataqartoq meeqqanik imaluunniit inuunerminni kingornussisinnaatitaasunik qimataqanngippat, kingornussassanik qimataqartup angajoqqaavi kingornussissapput. Angajoqqaat tamarmik affarmik kingornussissapput.

Imm. 2. Angajoqqaat arlaat toqkkut qimagussimappat, taassuma meerai pineqartup inissisimaffianut inississapput, akornaminnilu naligiissumik kingornussillutik. Assigisaanik periuseqarluni inuunerminni kingornussisinnaatitaasut ungasinnerusumik ilaqutaasut kingornussissapput. Angajoqqaat aappaata tungaanit inuunerminni kingornussisussaqaanngippat, angajoqqaat aappaa imaluunniit taassuma inuunerminni kingornussisussai kisimik kingornussisuussapput.

§ 3. § 1 imaluunniit § 2 malillugit kingornussisussaqaanngippat, kingornussassanik qimataqartup aanaakkui ataakkuilu kingornussissapput. Kingornussassat affai angajoqqaat aappaatigut aanaamut ataamullu tunniunneqassapput, affaalu angajoqqaat aappaatigut anaamut ataataamullu tunniunneqassallutik.

Imm. 2. Aanaap aataalluunniit arlaat ataaseq toqkkut qimagussimappat, taassuma meerai, ungasinnerusukkulli inuunermi kingornussisussat pinnaatik taassuma inaanut inississapput.

Imm. 3. Angajoqqaat kingornussisussaasa iluminni akornanni kingornussassat § 2-i aalajangersarneqarsimasutut agguanneqassapput. Angajoqqaat aappaannaata tungaanit kingornussisussaqaarpat, taakkua kisimiillutik kingornussisuussapput.

§ 4. Meeravissartaarisimasaq taassumalu inuunermi kingornussisussai kingornussissapput meeravissartaartumillu taasumalu ilaqutaanit, meeravissartaartup inuunermi kingornussisussaasa sinneri assigalugit kingornunneqassallutik, meeravissartaarnermi inatsisini maleruagassat malitsigisaannik aallatut aalajangiisoqarsimanngippat.

Inuunermi kingornussisussat pinngitsaaliissummik kingornussassa

§ 5. Inuunermi kingornussisussap kingornussatut pisassaasa sisamararterutai pingitsaaliissummik kingornussaapput.

Imm. 2. Kingornussisitsisup kingornussassialiormigut meeqqaminut ataasiakkaanut tamanut kingornussassat 1.000.000 kr.-it nalinganut killilersinnaavai. Meeraq ataaseq toqukkut qimagussimappat, meeqqap taassuma inuunermini kingornussisussaasa kingornussassaata pissanut, inuunermi kingornussisussaasa aningaasatigut pissaasa amerlaqataannut killilerneqassapput, tak. § 1. imm. 2, kingornussassialiami allamik allassimasoqanngippat. Inuunermi kingornussisussanut ungasinnerusumiittunut assigisaa atuuppoq. Aningaasanut killiliusaaq § 97 malillugu naleqqussarneqassaaq.

Nalilersuinerup kingorna tigusineq

§ 6. Kingornussisussat kingornussassamik nalinginut pigisat naliliutaanik nalilersuinerumi akigititat malillugit tigusisinnaapput.

Imm. 2. Kingornussisussat arlallit naliliummik taannaannaasumik tiguserusuppata, kiap taassuminnga pinissaa makitsinikkut aalajangerneqassaaq. Taamaattoq kingornussisussanut naliliummik pineqartumut eqqaamasatigut immikkut naleqartitaappat, kingornussisussaq salliutitaassaaq.

Imm. 3. Aapparisaq § 11, imm. 1, aamma §§ 12-14 malillugit pisinnaatitaaffii ataqineqassapput.

§ 7. Kingornussisussaq ataaseq naliliummik pigisat piginneqatigalugit piginnittuuppat, naak taassuma nalinga kingornussassanit naleqarnerugaluartoq, naliliutip pigisanit pisassartaa tigussallugu salliutinneqassaaq, akerlianilli aningaasat sinneruttut pigisanut aningaasannorlugit akilerlugit. Naliliutinulli § 11, imm. 1-imut ilaasunut aamma ataatsimoorussamik piginnittuulluni naliliutinut § 91, imm. 2-mi taaneqartunut, aapparisaq § 12 malillugu tigorosutaanut salliutitaaneq atuutinngilaq.

Imm. 2. Kingornussisussaq pigisat katissimasarlu piginnittoqatigalugit naliliutit ilaannut piginnittuuppat, aapparisaq salliutinneqassaaq. Taamaattoq naliliutit pigisani tamakkiisumik immikkut ittumik pigisaappata, katissimasuni siulliulluni toqukkut qimaguttup inuunermini immikkut ittumik kingornussisussaa salliutinneqartussaavoq, naliliutit pineqartumut immikkut ittumik eqqaamasassatut naleqartitaappat, naliliutit § 11, imm. 1-imut ilaangippata, imaluunniit katissisut maannamut ataatsimoorussamik inigisimasaannut ilaangippata.

Imm. 3. Kingornussisussat arlallit imm. 1 malillugu pisinnaatitaaffik atuutsinniarpassuk, naliliutini pigisat ilaannik tigusinissamut kiap pisinnaatitaaffeqarnissaa makitsinikkut aalajangerneqassaaq.

§ 8. Naliliutinut kingornussassaartitsisup kingorussassaliakkut atoreersimasaannut §§ 6 aamma 7 atorneqaassanngillat. Piginneqatigiinnissamik

isumaqatigiissummi il.il. allatut isumaqatigiissuteqartoqarsimatillugu § 7 atorneqassanngilaq.

Kapitali 2

Aapparisap kingornussinissamut pisinnaatitaaffia

Inatsit malillugu kingornussineq

§ 9. Kingornussassaqaqtitsisoq inuunermini kingornussisussanik qimataqarsimappat, kingornussassaqaqtitsisup aapparisaa kingornussassaqaqtitsisup pigisaasa affaanik kingornussissaaq.

Imm. 2. Kingornussassaqaqtitsisoq inuunermini kingornussisussanik qimataqanngippat, aapparisaa kisimi kingornussisuussaaq.

Aapparisap pinngitsaaliisummik kingornussassai

§ 10. Aapparisap kingornussassaataasa sisamararterutai pinngitsaaliisummik kingornussassaapput.

§ 11. Aapparisaq inuunertunerusoq pigisanik siumoortumik tiguisinnaavoq, imaappat

1) pineqartup inuttut nammineq atugassaanut iluaqutaappat, nalingalu aapparit pisuussutitigut atugaannut nalinga atsikkutiginnngitsumik naleqanngippat, imaluunniit

2) meeqqanut ukiukinnerusunut atugassianngorlugu pissarsiarineqarsimappat.

Imm. 2. Aammattaaq aapparisaq inuunertunerusoq pigisanit ima annerutigisumik tigusaqarsinnaavoq, taakkua nalingat inuunertunerusup pigisaasa kingornussassaasalu kiisalu immikkut ittumik nammineq pigisaasa katinnerat 600.000 kr.-t tikillugit naleqassalluni. Aningaasanut killiliussaq § 97 malillugu nalimmassarneqartassaaq.

Imm. 3. Imm. 2 malillugu naatsorsuinermit pilersuisumik annaasaqarnermut taarsiissutit, inuunermit sillimmasiinerit kiisalu soraarnerussutisianut akiliutit akiliutillu assigisaat toqusoqarnerani katissimasamut inuunertunerusumut tunniunneqartussat ilaapput. Inuunertunerusup pisinnaatitaaffiisa sinneri, allamut tunniunneqarsinnaanngitsut imaluunniit inummut namminermit tunngasuusut, taamaallaat ilanngullugit naatsorsorneqassapput pisinnaatitaaffiit taakku ataatsimoorussamik pigisaasimappata, katissimasaq inuunertunerusoq inuugallartillugu kingornussassanik agguaassinermi naligiisummik agguaassinermut ilaasussaappata.

Imm. 4. Aapparisaq siulliulluni toqusup inuunermi immikkut ittumik kingornussisussaata imm. 2 apeqquataatinnagu naliliut pineqartumut eqqaamasatigut immikkut ittumik naleqarpat, aamma naliliut § 11, imm. 1-imut ilaangippat, imaluunniit § 91, imm. 2-imi taaneqartunut ataatsimoorussamik pigisatut naliliutaangippat, tigusinnaavaa, naliliutip nalilersuinerumi akia pigisanut aningaasatigut akilerlugu.

Nalilersuinerup kingorna tigusineq

Ataatsimoorussamik pigisat

§ 12. Aapparisaq inuunertunerusup pigisami kingornussassamilu ilaasut naliliutit toqusup pigisaalu ataatsimoorussamik pigisaasut naliliutip nalilersuinerumi akii malillugit tigusinnaavai.

Imm. 2. Aapparisaq kingornussisussallu ataatsimip naliliut taannaasoq tigorussuppassuk, aapparisaq salliutinneqassaaq. Inuunermili immikkut ittumik kingornussisussaqaq naliliummik tigusinissamut salliutinneqarnissamut pisinnaatitaaffeqarpoq, naliliut pineqartumut eqqaamasatigut immikkut ittumik naleqarpat, naliliulli § 11, imm. 1-imut ilaangippat, imaluunniit § 91, imm. 2-mi taaneqartutut ataatsimoorussamik naliliutitut pigisaangippat.

Imm. 3. Naliliutip aapparisaq inuunertunerusup tigorussutaata nalinga pigisat kingornussassallu nalingannit annertuneruppat, aapparisaq naliliut tigusinnaavaa, aningaasat annertunerussutaat pigisanut aningaasanngorlugu akilerlugu.

Tamakkiisumik immikkut ittumik pigisat

§ 13. Toqukkut qimaguttup tamakkiisumik immikkut nammineq pigisaanit katissimap inuunertunerusup immikkut nammineq pigisanit naliliutit nalilersorneqarnerisut naleqartillugit kingornussassaminut ilanngullugit tigusinnaavai.

Imm. 2. Aapparisaq kingornussisussallu ataatsip naliliut taannaasoq tigorussuppassuk, aapparisaq salliutinneqassaaq. Inuunermili immikkut ittumik kingornussisussaqaq naliliummik tigusinissamut salliutinneqarnissamut pisinnaatitaaffeqarpoq, naliliut pineqartumut eqqaamasatigut immikkut ittumik naleqarpat, naliliulli § 11, imm. 1-imut ilaangippat, imaluunniit aappariit maannamut ataatsimoorussamik inigisaanneersuunngippat.

Imm. 3. Naliliutip aapparisaq inuunertunerusup tigorussutaata nalinga pigisat kingornussassallu nalingannit annertuneruppat, aapparisaq naliliut

tigusinnaavaa, aningaasat annertunerussutaat pigisanut aningaasanngorlugu akilerlugu.

Kingornussassaliakkt il. il. avaqutsineq

§ 14. Naliliutinut kingornussisutsisup kingornussassaliakkt atoreersima-
saanut §§ 12 aamma 13 atorneqassanngillat, tak. §§ 90 aamma 91, imaluun-
niit naliliummik aapparisaq pigisat piginnittoqatigalugit piginnittuusoq pil-
lugit piginnittoqatigiinnermik isumaqatigiisummi il.il. allatut aalajan-
giisoqarsimappat.

Kapitali 3

Aapparisamit inuunertunerusumit ningaanut kingornussassat

§ 15. Aapparisaq inuunertunerusoq katissimasaminit inuunikinnerusumit
§ 9, imm. 2 malillugu ilanngullugu kingornussassaliaq malillugu kingornus-
sereermermi kingorna toqukkut qimaguppat, pigisat aappariit tamarmik il-
lugiillutik ilaqtutatut kingornussisussaanut marluusunut avillugit aggu-
aanneqassapput, aapparisaq inuunertunerusoq imatut iliorsimanngippat

1) nutaamik kateqqissimalluni,

2) aapparisap inuunikinnerusup toqukkut qimagunnerata kingorna inooqati-
gisimasaminit § 87 malillugu kingornussassaliaq pilersinneqartoq malillugu
kingornussaqaarsimappat,

3) inooqatiminik kingornussassaliaq § 87 malillugu pilersinneqartoq malil-
lugu kingornussinissamut pisinnaatitaaffeqartumik qimataqarpat, imaluun-
niit

4) inuunermini kingornussisussanik qimataqarpat.

Imm. 2. Aapparisap inuunertunerusup toqukkut qimagunnerani taamaal-
laat aapparisap aappaata ilaquataani kingornussisussaqaarpat, taakku sunik ta-
manik kingornussissapput.

Imm. 3. Aappariit aappaata kingornutassiornermigut aalajangigaqar-
simappat, pigisat kingornutassiakkt aalajangigaanngitsut imm. 1 aamma 2
malillugit agguanneqassapput, kingornutassiap malitsigisaanik allatut ili-
ortoqarsinnaanngippat.

Imm. 4. Aapparisap inuunertunerusup kingornutassiornermigut pigisanik
tamanik atuisinnaaneranut imm. 1-3 aporfiunngillat.

§ 16. Aapparisaq inuunertunerusoq § 11, imm. 2 malillugu pisinnaatitaaf-
fimminik atuereerluni toqukkut qimaguppat, pigisat imm. 2-6 malilluit pigi-
sat agguanneqassapput, aapparisaq inuunertunerusoq imatut iliorsiman-
ngippat

- 1) nutaamik kateqqissimappat,
- 2) aapparisaq inuunikinnerusup toqkkut qimagunnerata kingorna inoo-qatigisimasaminit § 87 malillugu kingornussassaliaq pilersinneqartoq malillugu kingornussaqaarsimappat, imaluunniit
- 3) kingornussassaliaq § 87 malillugu pilersinneqartoq malillugu inooqatigisamik kingornissinissamut pisinnaatitaaffeqartumik qimataqaarsimappat.

Imm. 2. Aappariit marluusut tamarmik inuunerminni kingornussisussaqaarpata, aappariit tamarmik maluullutik inuunerminni kingornussisussaannut pigisat marlunnut naligiissumik avinneqassapput. Aappatisamut inuunertunerusumut taamaallaat inuunermi kingornussisussaqaarpata, taakku kisimiilutik kingornussisuussapput.

Imm. 3. Aapparisaq siulliulluni toqkkut qimaguttoq kisimi inuunermi kingornussisussaqaarpata, pigisat affai siulliulluni toqkkut qimaguttup inuunermi kingornussisussaannut tunniunneqassapput, affaalu inuunertunerusup ilaqquttatut kingornussisussaannut tunniunneqarlutik. Inuunertunerusup ilaqquttanik kingornussisussaqaanngippat, siulliulluni toqkkut qimaguttup inuunermi kingornussisussai kisimik kingornussissapput.

Imm. 4. Aappariit arlaannaalluunniit inuunermi kingornussisussaqaanngippata, pigisat aappariit tamarmik immikkut marluullutik ilaqquttatut kingornussisussaannut naligiimmik avinneqassapput. Aappariit aappaanaa ilaqquttanik kingornussisussaqaarpata, taakku tamanik kingornussisuussapput.

Imm. 5. Aappariinni aappaasoq kingornutassiornermigut aalajangigaqaarsimappat, pigisat ilaat kingornutassiakkut aalajangiivigineqaarsimannngitsut imm. 2-4 malillugit agguanneqassapput, kingornutassap malitsigisaanik allatut iliortoqaarsinnaanngippat.

Imm. 6. § 1 malillugu kingornutat, inuunermi immikkut ittumik kingornussisussap katissimasup inuunikinnerusup toqkkut qimagunnerani pissarsimarimasai, kingornussanit inuunermi immikkut ittumik kingornussisussap imm. 2 aamma 3 malillugit aapparisaq inuunertunerusumit tigu-saanit ilanngaatigineqassapput. Kingornussap tiguneqarnermini nalinga ilanngaasiinermi tunngavigineqassaaq. § 47, imm. 1 assigisaanik atorneqassaaq.

Imm. 7. Aapparisaq inuunertunerusup kingornutassiornikkut pigisanik tamanik atuisinnaaneranut imm. 2-6 aporfuunngillat.

Kapitali 4

Pigisat nikisinnagit piginnarnerat

Pigisat nikisinnagit piginnarnissaannut il.il. piumasaqaatit

§ 17. Aapparisaq toqukkut qimagutereerneratigut aapparisaq inuunertunerup aappariit ataatsimoorussamik pigisai tigusinnaavai, taamaattoq tak. § 23, imm. 2-6, pigisat nikisinnagit pigiinnarnerat inuunermi kingornussisussat ataatsimooqatigalugit.

§ 18. Aapparisaq siulliulluni toqukkut qimaguttoq inuunermi immikkut ittumik kingornussisussanik qimataqarpat, taakku aatsaat akuersereernerisigut pigisat pigisat nikisinnagit pigiinnarnerannut ingerlateqqinneqarsinnaapput.

Imm. 2. Inuunermi immikkut ittumik kingornussisussaq nammineerluni aalajangersinnaanermut inatsimmi § 1, imm. 1 malillugu nammineerluni aalajangiisinnaangippat, imaluunniit inuunermi immikkut ittumik kingornussisussamut kingornussassanik nalunaarsuinerlut agguaassinermullu angajoqqaatut oqartussamik ivertitsisoqarsimappat, pigisat pigisat nikisinnagit pigiinnarnissaannut tunniunneqarnissaat eqqartuussiviup aalajangersinnaavaa angajoqqaatut oqartussaq imaluunniit kingornussassanik nalunaarsuinerlut angajoqqaatut oqartussaq tamatumunnga akuersisimappat, aamma tunniussineq inuunermi kingornussisussap soqutigisaanut kiisalu aapparisaq inuunertunerup atugaanut tamanna imminut illersorneqarsinnaasutut isigineqarpat. Inuunermi kingornussisussaq nammineerluni aalajangiisinnaaneq pillugu inatsimmi § 2 malillugu nammineerluni aalajangiisinnaajunnaarsitaasimappat, imaluunniit nammineerluni aalajangiisinnaanermut inatsimmi § 53 malillugu pigisat tungaasigut siunnersortissaliisoqarsimappat assigisaa atuuppoq. Inuunermi immikkut ittumik kingornussisussaq pigisat tungaasigut siunnersortissalerneqarsimappat inuunermi immikkut ittumik kingornussisussap akuersisimanisaa piumasqaataavoq.

Imm. 3. Toqukkut qimaguttup inuunermi kingornussisussai ukiukinnerusut peqatigalugu pigisat nikisinnagit pigiinnarnissaanut tunniunneqarpata, aapparisaq inuunertunerup toqukkut qimaguttup taakkuninnga pilersuisussaanera tigussavaa.

§ 19. Aapparisaq inuunertunerusoq pigisat ilaannik pigisaminik aamma immikkut ittumik pigisaminik pisussaaffimminik naammattumik matussusiisinnaangippat pigisat nikisinnagit pigiinnarnissaannut pigisanik tunniussivisineqarsinnaangilaq. Tamatumunnga nalilersuinerlut aningaasat aapparisaq inuunertunerup aapparisaq inuunikinnerusumit kingornussatut tigusassai, tamakkiisumik immikkut ittumik pigisai, kiisalu taarsiiffigitinnermit, sillimmasiinnermit soraarnerussutisianillu aningaasat aapparisaq inuunikinnerusumeersut aapparisaq inuunertunerup tigusassai mianerisineqassapput.

Imm. 2. Imm. 1 malillugu akiliisinnaangissuseq pigisani pissutsinut naleqqiullugu pingaaruteqanngitsutut isigineqarpat, Kalaallit Nunaanni eqqartuussiviup akuersissutigisinnaavaa pigisat nikisinnagit pigiinnaarnissaannut pigisat tunniunneqassasutg.

Imm. 3. Taamaattoq aapparisaq toqukkut siulliulluni qimaguttup inuunermi kingornussisussai, aapparisaq inuunertunerusup akiliisinnaangissusi-anik ilisimatinneqareerunik tamatumunnga akuersippata, imm. 1 apeqqu-taatinngit pigisat pigisat nikisinnagit pigiinnarnissaannut tunniunneqarsinnaapput.

Imm. 4. Aapparisaq inuunertunerusoq pigisat nikisinnagit pigiinnarnissaannut tunniunneqareernerisa kingorna, aapparisaq siulliulluni toqukkut qimaguttup aamma nammineq pisussaaffimmi akilernissaannut naammattunik aningaasaateqanngippat, pigisat nikisinnagit pigiinnarnissaannut pigisat tunniunneqarsinnaanngillat.

§ 20. Pigisat nikisinnagit pigiinnarnissaannut pigisanik tunniussinissamik qinnuteqaat aapparisaq imatuunniit taassuma angajoqqaatut oqartussaa-suaanit imaluunniit kingornussassanik nalunaarsuinermit agguassinermul-lu angajoqqaatut oqartussamik tunniunneqassaaq.

Imm. 2. Aapparisaq nammineq aalajangiisinnaanermut inatsimmi §§ 1 ial-uunniit 2 malillugu nammineq aalajangiisinnaanngippat, imaluunniit nam-mineq aalajangiisinnaanermut inatsimmi § 53 malillugu pigisat tungaasigut siunnersortilerneqarsimappat, imaluunniit katissimasamut kingornussassa-nik nalunaarsuinermit agguassinermullu angajoqqaatut oqartussamik iver-titsisoqarsimappat, aatsaat eqqartuussivik isumaqarpat tamanna katissima-samut pitsaanerpaasoq, pigisat nikisinnagit pigiinnarnissaannut pigisat tunniunneqarsinnaapput.

§ 21. Aapparisaq siulliulluni toqukkut qimaguttup inuunermi kingor-nussisussai pigisat nikisinnagit pigiinnarnissaannut pigisanik tunniussisi-maneg pillugu ilisimatissavai.

Pigisat nikisinnagit pigiinnakkat aningaasaatai il.il.

§ 22. Toqukkut qimagunnerup kingorna qaammatit arfinillit qaangiutsin-nagit aapparisaq inuunertunerusup naliliutit allattorsimaffiat eqqartuussi-vimmut tunngiutissavaa, tassunga ilaassallutik

- 1) aapparisaq siulliulluni toqukkut qimaguttoq peqatigalugu ataatsimoorus-samik pigisat,
- 2) aapparisaq inuunertunerusoq peqatigalugu ataatsimoorussamik aningaa-saatit,

- 3) aningaasaatit § 23, imm. 2-6-imi taaneqartut,
- 4) aapparisaq inuunertunerup tamakkiisumik immikkut ittumik nammineq pigisai, aamma
- 5) aapparisaq siulliulluni toqkkut qimaguttup immikkut ittumik nammineerluni pigisai.

Imm. 2. Aningaasaatit allattorsimafianni aapparisaq siulliulluni toqkkut qimaguttup tamakkiisumik nammineerluni immikkut ittumik pigisaanik kikkut kingornussisuussanersut allassimassaaq.

Imm. 3. Imm. 1-imi piffissaliussaq eqqartuussiviup sivitsorsinnaavaa.

Imm. 4. Aningaasaatit allattorsimaffiat piffissaq eqqorlugu tunniunneqanngippat, eqqartuussiviup aalajangersinnaavaa aningaasaatit allattorsimaffiat pigisanik aqutsisumit piginnaatitaasumit suliarineqassasoq. Aningaasartuutit aapparisaq inuunertunerup akilerneqassapput. Aapparisaq inuunertunerup pigisanik aqutsisumut aapparisaq siulliulluni toqkkut qimaguttup namminerlu aningaasatigut atugai pillugit paasissutissanik tunniussissaaq. Toqusup pigisaasa agguarneqarnerat pillugu inatsimmi § 92, imm. 1 kunngip peqqussutaatigut nr. [indsæt], [indsæt]-imeersukkut Kalaaillit Nunaannut atuutilersinneqartuq assigisaanik atorineqassaaq.

Imm. 5. Eqqartuussiviup qinnuigineqarnermigut aningaasaatit allattorsimaffiat ataaseq inuunermi kingornussisussanut tunniutissavaa.

Imm. 6. Aningaasaatit allattorsimaffiat immersugassallu torneqartussat pillugit justitsministeri maleruagassanik erseqqinnerusunik aalajangersaassaaq.

§ 23. Pigisani nikisinnagit piginnakkani suut tamarmik aapparisaq inuunertunerup pissarsiarisimasai allattorneqassapput, taakku tamakkiisumik immikkut ittumik nammineq pigisannortitaanngippata.

Imm. 2. Inuunermut sillimasiinerit kiisalu soraarnerussutisiatut akiliutit assigisaannillu akiliutit aapparisaq siulliulluni toqkkut qimaguttup toqnera pissutisalugu pissarsiarineqartut, aamma atorineqarsimannngitsutut isumaqarfigineqartut, aapparisaq inuunertunerup inuunerani pigisaasa nalunaarsorneranni agguaanerani pigisanut nikisinnagit piginnakkanut ilaassanngillat.

Imm. 3. Aapparisaq inuunertunerup nammineerluni inuunermi sillimasiinermit pisinnaatitaaffii pisinnaatitaaffiilu assigisaat, aapparisaq inuunertunerup inuugallartilluni pigisaasa nikisinnagit piginnagaasa nalunaarsorlugillu agguanneqarneranni ilaassanngillat.

Imm. 4. Aningaasat imm. 3-mi aaqqissuussinernit tunniunneqartut pigisanut nikisinnagit piginnarneqartunut ilaassapput. Tamannali soraarnerussutisiatut katersukkanut pisinnaatitaaffinnit assigisaannillu pisinnaatitaaffinnit kiisalu ilassutaasumik ataasiakalaamik akiliutinut atuutinngilaq, taakku

atorneqarsimangitsutut isumaqarfigineqarpata, aningaasat akilerneqarnerminni soraarnerussutisianut sipaakkatut pissuseqarnertik annaasimangippassuk.

Imm. 5. Isertitanut aamma aningaasanut taarsiussatut isertitanut imm. 2-4 fassigisaanik atorneqassaaq.

Imm. 6. Pisinnaatitaaffiit sinnerinut, allanut tunniunneqarsinnaanngitsunut imaluunniit inummut namminermit tunngasunut pigisat nikisinnagit pigiinnarneqarnissaannut maleruagassat taamaallaat atorneqassapput pisinnaatitaaffinnut taakkununga maleruagassat immikkut ittunut naleqqusinnaappata.

Imm. 7. Kingornussat, tunissutisiat aamma inuunermut sillimmasiinerit kiisalu soraarnerussutisiatut akiliutit akiliutillu assigisaat katissimasamut inuunertunerusumut inummit pingajuusumit tunniunneqartut pigisanut nikisinnagit pigiinnarneqartunut ilaangillat, apparisaq aningaasanik tigusinermi kingorna qaammatit pingasut qaangiutsinnagit pigisat nalunaarsorlugillu agguanneqarnissaannik qinnuteqaateqarpat.

§ 24. Apparisaq inuunertunerusoq inuugallartilluni pigisanik nikisinnagit pigiinnakkanik piginnittutut atuisinnaavoq.

Imm. 2. Kingornussassiornikkut apparisap pigisat nikisinnagit pigiinnarneranni taamaallaat pigisat nikisinnagit pigiinnagaasut ilai apparisap toqkkut qimagunnerani imminerminut kingornussatut tutut atorsinnaavai. Aamma killiliussap tamatuma iluani pigisat ataasiakkaat apparisap atorsinnaavai, tamanna apparisap siulliulluni toqkkut qimaguttup § 91 malillugu kingornussassaliamigut aalajangigaanut akerliunngippat.

§ 25. Apparisaq inuunertunerusoq apparisap siulliulluni toqkkut qimaguttup pisussaaffiitut inuttut akisussaasunngussaaq.

Imm. 2. Apparisap siulliulluni toqkkut qimaguttup pigisat qimatai akiliisinnaassuseqanngitsut isumaqartoqarpat, apparisap inuunertunerup imaluunniit akiligassaqarfigisap Kalaallit Nunaanni Eqqartuussivik qinnuigisinnaavaa pigisat pigisanik aqutsisumit suliarineqassasut. Qinnuiginnineq akuersissutigineqarpat, pigisat toqusup pigisaasa agguarneqarnerat pillugu inatsimmi, kunngip peqqussutaa nr. [indsæt], [indsæt]-imeersukkat Kalaallit Nunaannut atuutilersinneqartumi § 104 malillugu pisussaaffini apparisap inuunertunerusup eqqortissimassavai, katissimasarlu inuunertunerusoq katissimasami siulliulluni toqkkut qimaguttup pisussaaffii imm. 1 apeqqutaatinnagu akilertussaassanagit.

Kingornussassanik nalunaarsuineq agguaassinerlu

§ 26. Aapparisap inuunertunerusup inuunermi kingornussisussamut ataatsimut arlalinnulluunniit kingornussassat nalunaarsorneqarnissaat agguaanneqarnissaallu qaqugukkulluunnii aalajangersinnaavaa.

Imm. 2. Nutaamik kateqqinnermi aapparisap inuunertunerusup kingornussassat nalunaarsortissavai agguaatsillugillu. Inuunermi kingornussisussat pigisat nikisinnagit pigiinnarneqartut kingornussassat nalunaarsorlugillu agguaanneqarnissaat itigartitsissutigisinnaangilaat peqatigisaanillu kingornussinissamut pisinnaatitaaffik pigiinnarlugu.

§ 27. Aapparisap inuunertunerusup § 18, imm. 2 naapertorlugu inuunermi immikkut ittumik kingornussisussanik nammineeirutik aalajangiisinnaangitsunik pigisanik nikisinnagit pigiinnagaqalersimasup, inuunermi immikkut ittumik kingornussisussat nammineeirutik aalajangiisinnaangornerat ilutigalugu qinnuigineqarnermigut inuunermi immikkut ittumik kingornussisussanut kingornussassat nalunaarsortissavai agguaallugillu. Inuunermi kingornussisussap kingornussassanik nalunaarsuinerlut agguaassinermullu angajoqqaatut oqartussaata nammineeurluni pigisat nikisinnagit pigiinnarneqarnissaannut akuersisimappat, inuunermilu kingornussisusaq nammineq kingusinnerusukkut kingornussassat nalunaarsorlugillu agguaanneqarnissaannik qinnuiginnippat, assigisaa atuuppoq.

Imm. 2. Inuunermi immikkut ittumik kingornussisusaaq nammineeurluni aalajangiisinnaangtsoq toqkkut qimaguppat, taassumalu angajoqqaatut oqartussaasua imaluunniit kingornussassanik nalunaarsuinerlut agguaassinermullu angajoqqaatut oqartussaasua § 18, imm. 2 malillugu pigisat nikisinnagit pigiinnarnissaannut akuersisimappat, aapparisap inuunertunerusup pineqartup inuunermi kingornussisussanut kingornussassat nalunaarsortissavai agguaanneqartillugillu, taakku taamatut pisoqanginnissaanut akuersisimangippata.

Imm. 3. Inuunermi immikkut ittumik kingornussisussat ukiukinnerusut aamma inuunermi immikkut ittumik kingornussisussat angajoqqaatut oqartussanik ivertitsiffigineqarsimasut eqqartuussiviup akuersissuteqarneratigut pigisat nikisinnagit piginnaarnissaannut angajoqqaatut oqartussat nalunaaruteqartissinnaavaat. § 18, imm. 2, assigisaanik atorneqassaaq.

§ 28. Aapparisaq inuunertunerusoq pigisanik pigisat nikisinnagit pigiinnarnissaannut tigusisimappat, inuunermi kingornussisussat aapparisaq siulliulluni toqkkut qimaguttoq aatsaat kingornussiffigissavaat imaappat
1) aapparisamit inuunertunerusumit inuunertunerugunik imaluunniit

2) pigisat nalunaarsorlugillu agguanneqarnissaannut qinnuteqaatip saq-qummiunneqarnerani suli inuugunik.

Imm. 2. Aapparisaq inuunertunerusup toqukkut qimagunnerani pigisat nalunaarsorlugillu agguanneranni aapparisaq siulliulluni toqukkut qimaguttup katissimasamut inuunertunerusumut kingornutassiissutai kingornutassanut ilaatinneqassanngillat.

Imm. 3. Aapparisaq siulliulluni toqukkut qimaguttup inuunermini kingornussisussaasa akornanni aapparisaq inuunertunerusup toqukkut qimagunnerani imaluunniit ulloq unnuallu pigisat nalunaarsorneqarnissaannik agguanneqarnissaannik qinnuteqaatip eqqartuussivimmit tiguneqarnerata naanerani kingornutassani pissutsit malillugit kingornutassat agguanneqasapput. Aapparisaq inuunertunerusup toqukkut qimagunnerani taassumunnga kingornussisussaqaanngippat, pigisat tamakkerlutik aapparisaq siulliulluni toqukkut qimaguttup inuunermini kingornussisussaanut tunniunneqasapput.

§ 29. Katissimsaq siulliulluni toqukkut qimaguttup inuunermini kingornussisussaata uppernarsarpagu, aapparisaq inuunertunerusoq pigisanik nikisinnagit piginnakkanik atorsinnaasaminik atonerluinermigut pigisat annertuumik annikillisissimagai, imaluunniit taamatut annertuumik annikillisinnissaat aarlerinarsisikkaa, aapparisaq inuunertunerusup pigisat nalunaarsortissavai inuunermilu kingornussisussanut tamatuminnga piumasaqaateqartunut agguaatsillugit.

Imm. 2. Pigisanik atorsinnaasanik atonerluinertut annerusumik isigineqarput illersorneqarsinnaanngitsumik nalorninarsinnaasunik niuernerit, naapertuutinngitsumik atupiloorneq, naapertuutinngitsunik annertuallaamik soraarnerussutisiaqarnermut sillimmasifinermulluunniit aaqqissuussinerit kiisalu tunissuteqartarnerit imaluunniit ajunngitsorsiaqartitsinerit pigisanut nikisinnagit piginnakkanut naleqqiullugit naapertuutinngitsut.

Imm. 3. Kingornussisussap oqaatigippagu atonerluisoqartoq, aapparisaq inuunertunerup eqqartuussiviup aalajangiineratigut pigisat nikisinnagit piginnakkat aningaasaataanik atuinini pillugu paasissutissanik tunniussisaaq. Inuunermi kingornussisussat paasissutissanik ilisimatinneqarnissaminnut pisinnaatitaaffeqarput.

Imm. 4. Aapparisaq inuunertunerusoq inuunermi immikkut ittumik kingornussisussamut pilersuisussaataitanerminik sumiginnaasimappat, aapparisaq inuunertunerusoq qinnuigineqarnermigut taassumunnga pigisanik nalunaarsuititsisaaq agguaassisitsissallunilu.

§ 30. Aapparisaq inuunertunerusoq pigisanik nikisinnagit piginnakkanik atuisinnaanermik atonerluinermigut taakkuninnga annertuumik annikil-lisitsisimappat, inuunermi kingornussisussap kialuunniit kingornutassat nalunaarsorlugillu agguanneqarneranni piumasaqaatigisinnaavaa pigisanit piginnakkanit akilerneqarnissani. Pisariaqarpat inuunermi kingornussi-sussap ilanngullugu piumasaqaatigisinnaavaa aapparisaq tamakkiisumik immikkut pigisaanit aningaasat amigaataasatut affai pillugit akilerneqarnis-sani.

Imm. 2. Inuunermi kingornussisussaq imm. 1 malillugu akilerneqarnis-samik piumasaqaateqarsinnaavoq aapparisaq inuunertunerusoq pigisanik nikisinnagit piginnakkanik pisinermut imaluunniit nammineq tamakkiisu-mik immikkut ittumik pigisaminik pitsannngorsaanissamut atuisimappat, imaluunniit aappariinnerup inatsisitigut sunniutai pillugit inatsimmi, kun-gip peqqussutaa nr. 150, 31 marts 1993-imeersukkut Kalaallit Nunaannut atuutsinneqalersumi § 15, imm. 2, malillugu pisinnaatitaaffini malillugit pi-gisat nikisinnagit piginnarneqartut nalunaarsorlugillu agguanneqartunut ilaanngitsut atorneqarsimappata.

Imm. 3. Aapparisaq inuunertunerusup imaluunniit inuunermi kingornussi-sussap pigisanik nikisinnagit piginnarneqartunik nalunaarsuillunilu aggu-aassinermi pigisanit tigumiaannarneqartunit akissarsinissaq piumasaqaati-gisinnaavaat, aapparisaq nammineq tamakkiisumik pigisaminik atuisimap-pat, pigisat nikisinnagit piginnarneqartut pitsannngortinnissaannut.

§ 31. Aapparisaq inuunertunerusoq pigisanit tunissuteqarsimappat ima-luunniit kingornussassanik siumoortumik tunniussaqaarsimalluni, taakkualu nalingi pigisat aningaasaataannut naleqqiullutik atsikkutigiinnatik, tigusi-sup iluaquserneqartulluunniit ilisimappagu imaluunniit ilisimasariaqarsi-magalarpagu aapparisaq pigisanik nikisinnagit piginnagaqartuusooq, aamma taamatut atuineq pigisat aningaasaataannut atsikkutigiinngitsuusooq, inuunermi kingornussisussap piumasaqaatigisinnaavaa taamatut atuineq atorsinnaajunnaartinneqassasoq.

Imm. 2. Inuunermut sillimmasiinermut aaqqissuussinermulluunniit assi-gisaanut iluaquserneqartumut akiliinermi imm. 1 assigisaanik atorneqas-saaq, taakku pigisat aningaasaannit akilerneqarsimappata, aningaasallu pi-gisat aningaasaataannit akilerneqarsimallutik nalingat taakkununnga atsik-kutigiissuunani.

Imm. 3. Aapparisaq inuunertunerusup toqukkut qimagunnerata kingorna imm. 1 aamma 2 atorneqassanngillat, inuunermi kingornussisussap pineqar-tup kingornussassai matussuserneqarsinnaappata, inuunermi kingornussi-sussap pigisanit tigumiaannarneqartunit akilerneqarsinnaappat, tak. § 30, imm. 1 aamma 2.

§ 32. § 31 malillugu atorsinnaajunnaarsitsineq taamaallaat atorneqarsinnaavoq pigisat nalilersorlugillu agguanneqarpata, imaluunniit inuunermi kingornussisussaq suliamik saqqummiussiniartoq pigisat nalilersoqqullugit agguanneqaqullugillu qinnuteqarpat. Suliaq Kalaallit Nunaanni Eqqartu-ussivimmut suliassiissutigineqassaaq, taannalu eqqartuussuteqarnikkut aalajangiisuussalluni.

Imm. 2. § 31, imm. 1 malillugu suliaq, inuunermi kingornussisussap tunis-summik imaluunniit kingornussassamik siumoortumik pissarsisoqarneranik ilisimasaqalernerata imaluunniit ilisimasaqalertariaqarnerata kingorna ukiup ataatsip qaangiutinnginnerani, kingusinnerpaamillu tunissutip piviusunngortinneranit ukiut tallimat qaangiutsinnagi.

Imm. 3. § 31, imm. 2 malilugu suliaq inuunermi kingornussisussap aningaasanik tunniussisoqarsimaneranik ilisimasaqalernerata imaluunniit ilisimasaqalertariaqarsimanerata kingorna ukiup ataatsip qaangiunnerani suliassiissutigineqassaaq, kingusinnerpaamillu akiliuteqarsimanerup kingorna ukiut tallimat qaangiunneranni.

§ 33. Pigisat nalunaarsorlugillu agguanneqarneqarneranni aapparisaq inuunertunerusup pigisat tamarmik pigisat nikisinnagit pigiinnarneqarneratut isumaqarfigineqassapput.

§ 34. Aapparisaq siulliulluni toqukkut qimaguttup kingorna inuunermi kingornussisussat tamarmik toqukkut qimagussimappata, aapparisaq inuunertunerusup pigisat tamaasa kiffaangissuseqarluni atorsinnaassavai nalunaarsortinnagit agguanneqartinnagillu. § 16 assinganik atorneqassaaq.

Kapitali 5

Katissimasamut inuunertunerusumut kingornussassanik utaqqisitsineq

§ 35. Kingornussassat taakkualuunniit ilaasa katissimasaup siulliulluni toqukkut qimaguttup inuunermi kingornussisussanut akilernerneqarnissaanut eqqartuussiviup aapparisaq kinguartitsisissinnaavaa, pigisanik aalaakkaasunik, pigisanik nuunneqarsinnaasunik, pigisanilluunniit allanik, aapparisaq angerlarsimaffimminik inuussutissarsiumminillunniit attassiinnar-nissaanut pisariaqartinneqartunik tunisinani kingornussassat tunniunneqarsinnaangippata.

Imm. 2. Tamakkiissumik ilaannakortumilluunniit kinguartitsisoqarnissaa-ta aalajangiiviginnerani, aapparisaq siulliulluni toqukkut qimaguttup inuunermi immikkut ittumik kingornussisussaata §§ 6 aamma 7 malillugit

naliliutit tigoruset pineqartumut eqqaamasatigut immikkut naleqartuunersut eqqartuussiviup mianerisinnaavaa.

Imm. 3. Imm. 1 malillugu kinguartitsisoqassappat, eqqartuussiviup aalajangersinnaavaa aapparisaq siulliulluni toqukkut qimaguttup inuunermini immikkut ittumik kingornussisussaa piffissami kinguartitsiviusumi pilersorneqarnissamut pigisani pissutsinut naleqquttunik aningaasanik akilerneqassanersoq, taamaattoq taamaallaat inuunermi immikkut ittumik kingornussisussap 24-nik ukioqalernissaata tungaanut.

§ 36. § 35, imm. 1 malillugu kingornussassanik kinguartitsineq, aapparisaq siulliulluni toqukkut qimaguttup ullormit toquffigisaanit ukiuni tallimani akuersissutigineqassaaq.

Imm. 2. § 35, imm. 1-imi piunasaqaatit eqqortinneqarsimappata, aapparisaq tamanna qinnuteqaatigippagu, eqqartuussiviup kinguartitsineq ukiunik tallimanik ilallugu sivitsorsinnaavaa. Sivitsuinissamik qinnuteqaat piffissap kinguartitsiviusup naanissaanut siusinnerpaamik qaammatit arfinilingeranni tunniunneqassaaq, kingusinnerpaamillu imm. 1-imi piffissap kinguartitsiviusup naanerani tunniunneqassalluni. Sivitsuinissamik qinnuiginninneq kinguartitsinermik sunniuteqartarpoq.

Imm. 3. Taamaattoq kingornussassanik akiliineq siusinnerpaamik ataatsimoorussamik kingornussisussap 18-inik ukioqalernerani pisinnaavoq. Aapparisaq inuunertunerusoq kinguartitsinermik nalunaarfigineqarnerminut atillugu aapparisaq siulliulluni toqukkut qimaguttup inuunermini immikkut ittumik kingornussisussaanik pilersuisuunissamik pisussaaffik tigussallugu eqqartuussivimmuut oqaatigippagu, assigisaa atuutissaaq.

Imm. 4. Piffissap kinguartitsiviusup naanerani kingornussassat aningaasanngorlugit akilerneqassapput.

§ 37. § 35, imm. 1 malillugu kingornutassanut kinguartinneqartunut tamakkiisumik sillimmasiisoqassaaq. Sillimmasiineq eqqartuussivup aalajangersassavaa.

Imm. 2. Sillimmasiineq pillugu isumaqatigiinngissutini eqqartuussivik aalajangiisuussaaq. Inuunermi kingornussisussap imaluunniit kingornussisussap nammineerluni aalajangiisinnaangippat, Kalaallit Nunaanni Naalagaaffiup Sinnisuata qinnuiginninneratigut eqqartuussiviup aalajangersinnaavaa aapparisaq inuunertunerusup kingornussassat akilissagai, sillimmasiineq annertuumik ajorseriartinneqarsimappat.

Imm. 3. Aapparisaq inuunertunerusup aapparisaq siulliulluni toqukkut qimaguttup inuunermini immikkut ittumik kingornussisussaanik pilersuinissamut pisussaaffini sumiginnarsimappagu, eqqartuussiviup Kalaallit

Nunaanni Naalagaaffiup Sinniisuanit qinnuigineqarnermigut aalajangersinnaavaa kingornussassat akilissagai, tak. § 36, imm. 3, pkt. 2.

§ 38. §§ 35-37 malillugit eqqartuussiviup aalajangiinera tunngavilersorneqassaaq. Aalajangiineq eqqartuussivimmuq qulliuneruqumut aalajangiiffigeqqitassanngortitsinikkut suliareqqitassanngortinneqarsinnaavoq, eqqartuussisarnermik inatsimmi §§ 517-527 malillugit.

§ 39. Kingornutassat kinguartinneqartut § 35, imm. 1-imut ilaasut ernialersornerat, aningaasat § 35, imm. 3-mut ilaasut allaffissornikkut aquneqarnerat, kiisalu § 37, imm. 1 malillugu sillimmasiineq pillugit maleruaqassat justitsministerip aalajangersassavai.

Kapitali 6

Kingornutassiornikkut kingornussisussat naliliinerup kingorna tigusisinnaanerat

§ 40. Kingornussisussaq kingornutassiornikkut pigisat ilaannik kingornussisussanngorsimappat, imaluunniit kingornussisussaq kingornutassiornikkut tigusisussanngorsimappat, imaluunniit pigisanik agguassineruq eqqartuussiviup aalajangiineratigut §§ 6-8 assigisaanik atorneqassapput.

Kapitali 7

Kingornussat kiisalu kingornussassanik siumoortumik tigusineq pillugit isumaqatigiissutit

Kingornussassanik naatsorsuutigisanik allamut tunniussinerup aamma akiligassaqarfimmit malersuinerup inerteqqutaanera

§ 41. Kingornussisussap kingornussassatut naatsorsuutigisani tuniarsinnaanngilai, qularnaveeqqutigisinnaanagit allatigulluunniit allanut tunniussinnaanagit. Kingornussisussatsisussaq inuugallartillugu kingornussisussap kingornussisussatsisussaq akuerseqqaarsimatinnagu pigisanik naliliutinik taarsiullugu tigusinissamut kingornusseqatigisassanut allanut aamma isumaqatigissuteqarsinnaanngilaq.

Imm. 2. Kingornussisussap akiligassaqarfii kingornussassatut naatsorsuutigisaasut eqqortitsissutigisissaat piumasaqaatigisinnaanngilaat.

Kingornussassatut naatsorsuutigisaasut pisassarileriikkallu tunuarternerat

§ 42. Kingornussisussap akiliuteqarluni akiliuteqarnaniluunniit kingornussassatut naatsorsuutigisani kingornussassaniluunniit tunuartissinnaangilai.

Imm. 2. Kingornussassatut naatsorsuutigineqartut utertinneqarnerat kingornussisussisatsimut tunniunneqassaaq. Taamaattoq kingornussisussap katissimasaa pigisanik nikisitsinani piginniinnartuuppat, utertitsineq taasumunnga tunniunneqarsinnaavoq.

Imm. 3. Kingornussassanik tunuartitsineqaamma kingornussisussap inuunermi kingornussisussatisassaanut sunniuteqarpoq, taakku kingornussinissamat pisinnaatitaaffii piumasaqaatigineqarsimangippata.

Kingornussassanik siumoortumik tigusineq

§ 43. Kingornussassanik siumoortumik tigusineq pilersarpoq kingornussisussaq kingornussisussaasumit aningaasatigut nalilinnik tigusaqarsimappat, tamannalu tunniussat kingornussisussap kingornussassaanut kingusinnerusukkut ilanngaatigineqartussatut isumaqarfigineqarpat.

§ 44. Kingornussassanik siumoortumik tigusineq, inuunermi ataatsimoorussamik kingornussisussap tigusimasai, allatut isumaqatigiissuteqartoqarsimangimangippat, sapinngisamik aapparisaq siulliuni toqukkut qimaguttup inuunermi kingornussisussaasa kingornussassaanit ilanngaatigineqassaaq, imaappat

1) kingornussassanut siu Moorut ataatsimoorussamik pigisanit, avinnermi immikkut ittumik pigisanit imaluunniit immikkut ittumik pigisanit, aapparisaq toqukkut qimagunneratigut ataatsimoorussamik pigisanngortussanik akilerneqarsimavoq, aamma

2) aapparisaq inuunertunerusup inuugallarnerani pigisat nalunaarsorlugillu agguaanneqarsimappata.

Imm. 2. Kingornussassaliaq aapparisaq siulliulluni toqukkut qimaguttumit pilersinneqartoq tunulliunneqassaaq, imm. 1 malillugu ilanngaasinnissaq pisariaqartillugu.

Imm. 3. Kingornussassat siumoortumik tigusat ilaat, aapparisaq siulliulluni toqukkut qimaguttumit kingornussanik ilanngaatigineqanngitsut aapparisaq inuunertunerusumit kingornussanik ilanngaatigineqassappat.

Imm. 4. Aapparisaq inuunertunerusup toqukkut qimagunnerani pigisat nikisinnagit piginnakkat nalunaarsorlugillu agguaanneqarneranni, angajoqqaanik marluusunit ataatsimoorullugit meerarisanut kingornussassat siumoortumik kingornussassatut tigusimasat kingornussassanik atsikkutigiissumik ilanngaatigineqassappat.

Imm. 5. Imm. 1-4 aamma siumuukkanut aapparisamit pigisanik nikisin-nagit pigisaqartumit tigusanut atuutissapput.

§ 45. Kingornussassat siumoortumik tigusat, aapparisap ataatsimoorus-samik pigisanit, avinnermi immikkut ittumik pigisanit imaluunniit allatut immikkut ittumik pigisanit, aapparisap toqukkut qimagunneratigut ataatsi-moorussamik pigilikkanit, meerarsiaminut imaluunniit inuunermi kingor-nussisussamut tunniussimasai, aapparisap appaanit kingornussassanit ilan-gaatigineqassapput, tunniussat taassumanna kingornussassanit siumoortumik tiguneqarnissaat isumaqatigiissutaasimappat.

§ 46. Ilanngaasiinermi kingornussassat siumoortumik tigusat tiguneqar-nerminni nalingat tunngavigineqassaaq. Taamaattoq pisuni immikkut ittuni tamanna avaqunneqarsinnaavoq.

Imm. 2. Siumoortumik tigusat kingornussassanit nalituneruppata, kingor-nussisussap naleqarnerussutaa pigisanut akilissanngilaa, aatsaat tamatu-munnga immikkut pisussaaffiligaasimaguni akilissallugu.

Imm. 3. Kingornussassanik siumoortumik tigusisimasoq kingornussisitsi-sumit siulliulluni toqukkut qimaguppat, siumuukkat kingornussisussap inu-unermini kingornussisussaasa pisassaannit ilanngaatigineqassapput.

§ 47. Kingornussassat siumoortumik tigusat kingornussassat pinngitsaa-liissumillu kingornussassat naatsorsorneranni pigisanut ilanngunneqassap-put. Siumoortumik tigusat tigusisup kingornussassaanit tamakkiisumik ilan-gaatigineqarsinnaanngippata, taamaallaat tigusisup kingornussassaasa ani-ngaasanngorlugit nalingi ilaatinneqassapput.

Imm. 2. Ataatsimoorussamik pigisat aapparisap inuunertunerusup inuu-nerani nalunaarsorlugillu agguaanneqarpata, siumoorluni tigusimasat pigi-sanit kingornussassat nalunaarsornerannut agguaanerannullu naatsorsui-nermi ilanngunneqassapput. Siumoortumik tigusat tigusisup aapparisamit siulliulluni toqukkut qimaguttumit kiisalu aapparisamit inuunertunerusumit aningaasanngorlugit kingornussassaanit annertuneruppata, taamaallaat kingornussassat taakku nalingat naatsorsuutigineqassaaq.

Kapitali 8

Peqataajunnaarsitaaneq kingornussinissamullu pisinnaatitaaffiup peerneqarnera

§ 48. Inuk piaaraluneerluni pinerluttulerinermik inatsimmik unioqqutitsi-mappat, tamatumalu inuup allap toqunera kinguneralugu, eqqartuussinikkut aalajangerneqarsinnaavoq pineqartoq toqutap toqunerani kingornussisin-

naajunnaassasoq, sillimmasiinermit aningaasanik, soraarnerussutisianit allanilluunniit tunniussassanik pisinnaajunnaarluni. Assigisaanik aalajangiisoqarsinnaavoq, pineqartup kingornussassai, soraarnerussutisiai allatigulluunniit tassunga tunniunneqartussat annertusissanngitsut inatsisinik uni-oqqutitsinerup kingunerisaanik.

Imm. 2. Kinaluunniit ilaquttamik kingornussiffigisassamik toqutseriarsimasoq, pineqartumut sakkortuumik kannguttaalliorsimasoq imaluunniit pineqartumik imatut qunusaarisimasoq, pinerluttulerinermi eqqartuussaatsikkut akisussaatinneqassutigisaminik, pinerlisap qinnuteqarneratigut taassuma toqukkut qimagunneranik pissuteqartumik kingornussinissamut, sillimmasiissutitigut aningaasanik, soraarnerussutisianik allatigulluunniit tunniunneqartussanik pisinnaatitaaffiminik arsaarneqarsinnaavoq.

Imm. 3. Imm. 1 aamma 2 naapertorlugit pinerluttulerinermi suliap imaluunniit suliap immikkuullarissup nalaani aalajangiisoqarsinnaavoq.

Imm. 4. Kingornussinissamut pisinnaatitaaffik arsaarinnissutaasoq eqqartuunneqartumut kingornutassiornikkut tamakkiisumik ilaannakortumilluunniit uterteqqinneqarsinnaavoq. Sillimmasiissutinit aningaasanik, soraarnerussutisianit, allatigulluunniit tunniunneqartussanik il. il. pissarsinissamut pisinnaatitaaffiup eqqartuussinikkut tunuartinneqarnera eqqartuussap aaqqissuusinermut il. il. iluaquserneqartussanngorlugu inissinneratigut tamakkiisumik ilaannakortumilluunniit utertinneqarsinnaavoq.

§ 49. Aappariit akornaminni imminnut kingornunnissamut pisinnaatitaaffiat averusernikkut avinnikkulluunniit atorunnaassaaq.

Imm. 2. Katissimanerme atorunnaarsinneqarsinnaasumi illuatungeriit aappaa toqukkut qimaguppat, illuatungaasup aappaa kingornussissanngilaq, pineqartup qinnuteqarneratigut aappariilerneq avinnerlu pillugit inatsimmi, peqqussut nr. 307, 14 maj 1993-imeersukkut Kalaallit Nunaannut atuutilersinneqartumi § 25, imm. 1 imaluunniit 2 atorneqarpat, imaluunniit aappriinnermut inatsit atuuttoq malillugu aappariinnerup pisortanit atorunnaarsinneqarnissaa suliassiissutigineqareersimappat.

Kapitali 9

Pinngitsaaliissummik kingornussassat pillugit kingornussassaliinikkut aalajangiineq

Nalilersuinerup kingorna tigusineq

§ 50. Kingornussassaqtitsisoq kingornussassaliornermigut pinngitsaaliissummik kingornussassat atorsinnaanngilai, tamanna inatsisitigut tunngavissaqanngippat.

Imm. 2. Kingornussassaqtitsisup kingornutassiornermigut aalajangersinnaavaa inuunermi kingornussisussap pinngitsaaliissummik kingornutasani aningaasanngorlugit tigussagai. Kingornussassaqtitsisup kingornutassiornermigut ilanngullugu aalajangersinnaava inuunermi kingornussisussap pinngitsaaliissummik kingornutassani naliliutinik aalajangersimasunik tigusinermigut imaluunniit naliliutit nammineq toqqakkani aqputigalugit nalilersuinermi akii malillugit tigusinnaagai. Kingornutassiornikkut aalajangerneqarsinnaavoq pisinnaatitaaffik tamanna naliliutitut pineqartup kingornussassaaniit naleqarnerusunut atorneqarsinnaasoq, akerlianillu inuunermi kingornussisussap aningaasat sippuissutaasut pigisanut akilissallugit. Aapparisaq § 11, imm. 1, aamma § 91, imm. 2, malillugit pisinnaatitaaffii ataqqineqassapput.

Imm. 3. Kingornussassaqtitsisup ataatsimoorussamik pigisanik aamma tamakkiisumik immikkut ittumik nammineq pigisaminik qimataqartup kattissimasami § 11, imm. 1, aamma § 91, imm. 2 malillugit pisinnaatitaaffii ataqqillugit kingornutassiornermigut aalajangersinnaavaa, inuunermi kingornussisussap pinngitsaaliissummik kingornussinissamut pisinnaatitaaffii ataatsimoorussamik pigisanit imaluunniit immikkut ittumik nammineq pigisaminit akilerneqassanersut.

Nammineerlutik aalajangiisinnaanngitsut kingornussassa

§ 51. Kingornutassaqtitsisup kingornutassiornermigut aalajangersinnaavaa Inuunermi kingornussisussaq 18-inik ukioqalersimatinnani, katissimanani meeqqanillu qimataqarani toqkkut qimaguppat, pinngitsaaliissummik kingornutassai kimut tunniunneqassanersut.

Pinngitsaaliissummik kingornussisussap, silatusaartumik iliuuseqarsinnaanngitsup pinngitsaaliissummik kingornussassaasa agguaneqartarnerat

§ 52. Justitsministerip imaluunniit justitsministerip tamatumunnga piginnaatitaata akuersissutigisinnaavaa kingornutassaqtitsisup kingornutassiornermigut aalajangissagaa, kingornutassaqtitsisumit pinngitsaaliissummik kingornutassat qanoq agguataarneqassasut pinngitsaaliissummik kingornussisussap toqkkut qimagunneratigut, imaappat

- 1) pinngitsaaliissummik kingornussisussaq silatusaartumik kingornutassiorinnaanngippat, tak. § 74,
- 2) taamatut atugaqarnera qaangerneqarsinnaanngitsutut naatsorsuutigineqarpat,

- 3) pinngitsaaliissummik kingornussisussaq pinngitsaaliissummik kingornussisussanik qimataqanngippat,
- 4) pinngitsaaliissummik kingornussisussaq atorsinnaasumik kingornutassi-orsimanngippat, aamma
- 5) kingornutassiakkut atuineq angajoqqaatut oqartussamit, pinngitsaaliissummik kingornussisussamut ivertitaasumit akuersissutigineqarpat.

Imm. 2. Imm. 1 malillugu kingornutassiami aalajangersagaasut taamaallaat sunniuteqassapput nr. 3-mi aamma 4-mi piumasagaatit pinngitsaaliissummik kingornussisusap toqukkut qimagunnerani suli eqqortinneqarsimappata.

Imm. 3. Imm. 1 malillugu akuersissutip nalunaarutiginiisaanut maleruagassat justitsministerip aalajangersarsinnaavai.

Pinngitsaaliissummik kingornutassat allanit atorineqarsinnaajunnaarsinnerat

§ 53. Kingornutassaqartitsisup kingornutassiormigut aalajangersinnaavaa inuermi kingornutassaqartup pinngitsaaliissummik kingornutassai tamakkiissumik ilaannakortumilluuniit allanit atorsinnaajunnaartinneqassasut, kingornutassaqartitsisumit isumaqarfigineqarpat, inuermi kingornutassiussamut tamanna pitsaanerpaasutut isumaqarfigineqarpat. Allanullit atuisinnaajunnaartitsineq taamaallaat inuermi kingornussisussap 25-nik ukioqalernissaata tungaanut atuussinnaavoq.

Imm. 2. Kingornutassat nalikitsuinnaappata, justitsministerip imaluunniit justitsministerip tamatumunnga piginnaatitaata aalajangersinnaavaa kingornutassaqartitsisup allanit atuisinnaajunnaarnermik aalajangiinerup eqqortinneqarsinnaanera atorsinnaajunnaartinneqassasoq

§ 54. Kingornussat ingerlatsiviup immikkoortoqarfiani, justitsministerimit imaluunniit justitsministerip tamatumunnga piginnaatitaanit akuerisaa-sumi allanit atorineqarsinnaajunnaarsinneqassapput.

Imm. 2. Kingornussisoq akuersippat, kingornussat justitsministerimit imaluunniit justitsministerip tamatumunnga piginnaatitaanit akuerineqarluni allatut allanit atorineqarsinnaajunnaarsinneqassapput, pingaartumik pigisat aalaakkaasut atorlugit.

Imm. 3. Nammineerlutik aalajangiisinnaasut pigisaat allanit atorineqarsinnaajunnaarsinneqartut inissinneqarnerannut justitsministeri maleruagassanik aalajangersaassaaq.

§ 55. Kingornussat allanit atorneqarsinnaajunnaarsimatillugit, kingornussisup inuugallartillugit kingornussat atorsinnaanngilai. Kingornussisulli erniat isertitallu tigusinnaavai.

Imm. 2. Aningaasaatinit allanit atorneqarsinnaajunnaarsitaasunit kingornussisup inuugallartillugu kingornussisup akiligassaqarfii aningaasanik pi-niarsinnaanngillat. Assigisaa atuuppoq ernianut tiguneqanngitsunut isertitanullu, akilerneqarfissaasa kingorna qaammatit arfinillit tikillugit.

Imm. 3. Kingornussisup piaaraluneerluni imaluunniit mianersuaalliorluni inummik pigisanilluunniit ajoqusiisimappat taarsiissuteqartussaallunilu imaluunniit akiliisussaalluni, eqqartuussinikkut aalajangerneqarsinnaavoq aningaasat allanit atorneqarsinnaajunnaarsitanit akilerneqarsinnaanissaat atorneqarsinnaajunnaarsitsinikkut ajoqutaassanngilaq.

§ 56. Justitsministerip imaluunniit justitsministerip tamatumunnga piginnaatitaata akuersissutigisinnaavaa kingornutat allanit atorneqarsinnaajunnaarsitat tunniunneqassasut, imaappat

- 1) kingornussisup atugarissaarnissaanut tunngavissaqarpat,
- 2) kingornutat nalikitsuinnaappata, imaluunniit
- 3) allanit atorneqarsinnaajunnaarsitsineq naammaginartumik siunertaarus-simasoq erseqqippat.

§ 57. Kingornutassiaq kingornussat piffissami aalajangersimasumi imaluunniit aalajangersimasumik pisoqarnerani akilerneqartarnissaannik aalajangersagartaqarpat, ingerlatsiviup immikkoortoqarfia akiliisassaaq. Akerlianilli kingornutassiami piumasaqaatit eqqortinneqarsimanersut nalilersorneqartariaqarpat, aatsaat justitsiministerip imaluunniit justitsministerip tamatumunnga piginnaatitaata aalajangiineratigut aatsaat akiliisoqarsinnaavoq.

§ 58. Kingornussat allanit atorneqaqqusaanngitsut avinnermik nammineq immikkut ittumik pigisaapput. Kingornussalli allanit atorneqaqqusaanngitsut kingornussisup katissimasaata toqukkut qimagunnerani tamakkiisumik immikkut ittumik pigisanngussapput. Kingornussisup taassumalu katissimasaata aappariit aalajangersagaatigut aalajangersinnaavaat, kingornussat tamakkiisumik immikkut ittumik nammineq pigisaassasut.

Imm. 2. Tulliuttunik pissuteqartumik allanit atorneqarsinnaajunnaartitsineq unitsinneqarpat, imm. 1 assigisaanik atorneqassaaq

- 1) inuunermi kingornussisusaaq 25-nik ukioqalerpoq, tak. § 53, imm. 1,
- 2) § 53, imm. 2 naapertorlugu peqataajunnaarpoq,
- 3) kingornussat § 56 naapertorlugu iperarneqarput, imaluunniit
- 4) kingornussat § 57 naapertorlugu akilerneqarput.

Imm. 3. Kingornutassiornikkut imm. 1 aamma 2 avaqqunneqarsinnaapput.

Kapitali 10

Kingornutanut pituttugaanngitsunut kingornutassiornikkut aalajangiineq

Nalilersuinerup kingorna tigusineq

§ 59. Kingornutanut pituttugaanngitsunut § 50, imm. 2 aamma 3 assinganik atorpeqassapput.

Kingornussisussat tulleriinnilersorneqartarnerat

§ 60. Kingornussasat pituttugaanngitsut kingornutassiornikkut kingornussisussanut tulleriinnilersorneqarsinnaapput, taamaasilluni kingornussasat kingornussisussamut imaluunniit aningaasanik agguassivigineqartussamut siulliutinneqartumut tunniunneqassallutik, kingornalu kingornussisussamut imaluunniit aningaasanik agguassivigineqartussamut aappaattut kingusinnerusukkulluunniit inissimasumut unniunneqassallutik.

Imm. 2. Kingornutassiornikkut kingornutassat aningaasalluunniit agguassasat pituttugaanngitsut kingornutassaiisup kingornutassiai inunnut suli inunngorsimanngitsunut pisassanngortinneqarsinnaanngillat.

Kingornutassat pituttugaanngitsut allanit atorpeqarsinnaajunnaarsinneri

§ 61. Kingornutassat pituttugaanngitsut kingornutassiinikkut allanit atorpeqarsinnaajunnaarsinneqarsinnaapput, kingornussisutsisussa q isumaqarpat tamanna kingornussisussamut pitsaanerpaasoq. § 53, imm. 2, aamma §§ 54-58 assigisaanik atorpeqassapput. § 54, § 55, imm. 1, pkt. 2., aamma imm. 2, kiisalu § 57 kingornutassiinikkut avaqqunneqarsinnaapput.

Kapitali 11

Kingornutassiinermik pilersitsineq aamma utertitsineq

Kingornutassallip ukiui

§ 62. Kinaluunniit 18-inik ukioqalereersimasoq, imaluunniit katissimasoq, kingornutassiinermigut pigisani atorsinnaavai, taamaattoq tak. jf. §§ 5, 10 aamma 11.

Imm. 2. Kinaluunniit 15-inik ukioqalereersimasoq, taamaattoq tak. §§ 5, 10 aamma 11, kingornutassiornermigut pigisaminik atuisinnaavoq, pineqartup nammineq aalajangiisinaanermut inatsimmi §§ 37 aamma 38 naapertorlugit nammineq atorsinnaasaanik.

Kingornutassiaq atsiornernik uppersaasartumit atsiugaq

§ 63. Kingornutassiaq allakkatigut pilersinneqarsinnaavoq, atsiornernillu uppersaasartumit atsiorneqarluni imaluunniit uppersarneqarluni.

Imm. 2. Atsiornernik uppersaasartup kingornutassiamut atsiornermigut nalunaarutigissavai

- 1) kingornutassiisup kinaassusaa,
- 2) kingornutassiisoq kingornutassiornissamut silatussutsikkut naammattunik piginnaasaqarnersoq,
- 3) atsiornernik uppersaaserup nalaani inuit kikkut najuussimanersut, aamma
- 4) kingornutassiap atorsinnaassusianut pissutsinik allanik pingaaruteqartoqarsinnaanersoq.

Imm. 3. Atsiornernik uppersaasartup sulinera, kingornutassiap assilinerata toqqortarineqarnissaa, ingornutassiap Kingornutassiat Qitiusumik Nalunaarsorneqartarfiannut nalunaaruteqarnissaaq kiisalu kingornutassiat pilersinneqarsimasut pillugit paasisutissanik pissarsisinnaaneq pillugit justitsministeri maleruagassanik aalajangersaassaaq.

§ 63 a. Testamente-t allaganngorlugit pilersinneqassapput aamma atsiorneqassapput imaluunniit najukkami eqqartuussisumit akueritinneqassapput, nunap eqqartuussisuuneranit akuerineqarsimasunit kommunefogedimut imaluunniit ilisimannittunut marlunnut.

Ilisimannittoqarluni kingornutassiat

§ 64. Kingornutassiaq allaganngorlugu pilersinneqarsinnaavoq ilisimannittunillu marlunnit najuuttunit peqatigisaanik atsiorneqassalluni imaluunniit uppersarneqarluni, taakku kingornutassiisup atsiorniariatoq ingerlaannaq kingornutassiamut atiminnik atsiussapput. Kingornutassiortup kissaateqarneratigut ilisimannittut kingornutassiamut ilisimannittutut najuuttissapput, aamma kingornutassiamik pilersitsinermut uppersaasuunerit ilisimasaqarfigissavaat.

Imm. 2. Ilisimannittut 18-inik ukioqalereersimassapput, pissutsillu § 74-imi taaneqartut pissutigalugit ilisimannittutut uppersaaserup pingaarutaa paasisinnaassallugu.

Imm. 3. Inuk kingornutassiamut ilisimannittuusinnaanngilaq, imaappat

- 1) kingornutassiaq pineqartumik, imaluunniit taassuma katissimasaanik, inooqataanik, ilaqutaanik, imaluunniit qummut ammullu ningaavanik uku-aanik allatigulluunniit qanigisaanik iluaqusiippat,
- 2) kingornutassiaq inummik suliffeqarfimmilluunniit, pineqartup kingornutassiap pilersinneqarnerani ima attuumassuteqarfigisaa iluaquserneqarpat, kingornutassiamut ilisimannittup iluaqusiineq immikkut soqutigisaqarfigisimassallugu, imaluunniit
- 3) tamatuma saniatigut pineqartup suliamut akuusinnaaneranut pissutsinik qulalersitsisinik atuuttuqarnerpat.

Imm. 4. Inuk kingornutassianut ilisimannittuusinnaavoq, naak pineqartoq pigisanut aqutsisutut inissinneqarsimagaluartoq.

Imm. 5. Ilisimannittut kingornutassiami allagartaliinerminni tulliuttunik nalunaaruteqartariaqarput

- 1) atorfitsik najugaqarfitsillu pillugit,
- 2) kingornutassiamut atsiornerminni piffissaq sumiiffillu pillugit,
- 3) kingornutassior tup atsiuinerani imaluunniit kingornutassiamik akuersinerani kingornutassiisuup kissaatigisaa malillugu atsiuinerup nalaani peqatigisaanik najuussimanerlutik,
- 4) kingornutassiisoq silassorissutsikkut kingornutassiornissamut piginnaasaqarnersoq, aamma
- 5) pissutsit allat kingornutassiap atorsinnaassusianut pingaaruteqarsinnaanersut.

Ajornartoormi kingornutassiaq

§ 65. Kinaluunniit napparsimanini imaluunniit allatigut ajornartoornini pissutigalugu § 63 aamma § 64 malillugit kingornutassiorsinnaanngitsoq, qanorluunniit iliorluni ajornartoormi kingornutassiamik pilersitsisinnavoq.

Imm. 2. Ajornartoormi kingornutassiaq qaammatini pingasuni § 63 aamma § 64 malillugit kingornutassiamik pilersitsinissamut ajornaqutissaqarsimatinnagu atorunnaassaaq.

Pigisanik il .il. nalinginnaasunik agguassineq

§ 66. Kikkut pigisanik inuttullu pigisanik nalinginnaasunik kingornussisusaanerannik kingornutassiakkut aalajangersaaneq kingornutassaqartitsisumit allakkatigut pilersinneqarsinnaavoq, nalunaarut ulluligaq atsiorneqartorlu atorneqassalluni.

Imm. 2. Kinaluunniit kingornussisussaareersoq, imm. 1 malillugu iluaquserneqartutut isigineqartoq, kingornussassami iluani pigisat pineqartut nalilerneqarnerisut naleqartillugit tigusinissamut salliutinneqassaaq, kingornussassani aalajangersakkat malillugit allatut aalajangiisoqarsimangippat.

Kingornussassaliamik utertitsineq

§ 67. Kingornussassiamik utertitsineq allanngortitsinerluunniit kingornussassiamik pilersitsineq pillugu maleruagassat naapertorlugit pissaaq.

Imm. 2. § 49-mi pineqartut pineqartillugit, kingornussassaliaq aapparisaq aappaata katissimasaminut iluaqutissatut pilersissimasaa utertinneqarsimasutut isigineqassaaq, pissutsit immikkut ittut taamaatariaqartinngippassuk.

Imm. 3. Inooqatigiinneq katissimanermut assingusoq isumaqatigiinnginnerit pissutigalugit unitsinneqarpat, kingornussassaliaq, ilanngullugu § 87 malillugu kingornussassaliaq, inooqatigisap inooqatiminut iluaqutissatut pilersissimasaa, utertinneqarsimasutut isigineqassaaq, pissutsit immikkut ittut taamaattariaqartinngippassuk.

Utertitsisinnaannginneq

§ 68. Kingornussassaqaqtitsisoq pisussaaffilersinnaavoq kingornussassaliamik pilersitsinnginnissamut imaluunniit utertitsinnginnissamut.

Imm. 2. Nalunaarut kingornussassaliamik pilersitsineq pillugu maleruagassat malillugit tunniunniunneqassaaq. Kingornussassaqaqtitsisoq nammineerluni aalajangiisinnaanngippat, angajoqqaatut oqartussap aamma Kalaallit Nunaanni Naalagaaffiup Sinniisuata akuersinissaa piumasqaataavoq.

Kapitali 12

Kingornussassaliap atorsinnaanngissusia isorineqarsinnaassusialu

§ 69. Kingornussassaliaq atorsinnaanngilaq kingornussassaqaqtitsisoq pilersitsinermini § 62-imi piumasqaatit eqqortissimangippagit, imaluunniit kingornussassaliap § 63, imm. 1-imi, § 64, imm. 1-3-mi imaluunniit § 66-imi piumasqaatit eqqortissimangippagit.

§ 70. Atsiornernik uppernarsaasartup kingornussassaliambut § 63 malillugu pilersinneqartumut atsiornera pissutsinut atsiornermut ilaasunut uppernarsaatitut isigineqassaaq, pissutsit immikkut ittut pissutigalugit atsiornerp eqqortuunera qularutigissallugu tunngavissaqanngippat.

§ 71. Kingornutassiaq § 64 malillugu pilersinneqartoq akerlilerneqarpat, inuup kingornutassiamik eqqortuuneraatitsisup uppersarsassavaa kingornutassiaq eqqortumik pilersinneqarsimasoq.

Imm. 2. Kingornutassiamut ilisimannittoqarfiusumut kingornutassiamut ilisimannittut atsiornerat pissutsit § 64, imm. 1-imi taaneqartunut uppersarsaatitut isigineqassapput, pissutsit immikkut ittut atsiornarit eqqortuunerisa qularutiginiissaannut tunngavissiinnigippata.

§ 72. Kingornutassiaq § 65 malillugu pilersinneqartoq atorsinnaangilaq, imaappat

1) kingornutassiaq kingornutassaqtitsisup aalajangerneranik taassumanngalu pilersinneqarsimaneranik isiginnissalluni qularutigineqarsinnaappat, imaluunniit

2) kingornutassaqtitsisoq kingornutassiamik pilersitsinissamut silatussutsikkut piginnaasaqarsimanngitsoq isumaqartoqarpat.

§ 73. En testamentarisk disposition efter § 66 malillugu kingornutassanik atugassiineq atorsinnaavoq, atorsinnaassananili kingornutassaqtitsisumit pilersinneqarsimanagera qularutigineqarsinnaappat, imaluunniit kingornutassaqtitsisoq silatussusissaminik silaqaarluni pigisanik pineqartunik aggu-aas-sinnaasimannigippat.

§ 74. Kingornussassaliortoq taassuma pilersinneqarnerani tarnikkut nappaateqarsimappat, ilanngullugu sakkortuumik puigortunngorsimaappat, tarnikkut ineriartornermini kinguarsimasuuppat, qaangikkaminik tarnikkut puullaqaqsimappat imaluunniit assigisaanilluunniit atugaqaarluni silatusaartumik pigisaminik atuisinnaanani, kingornussassaliaakkut aalajangersagaq atorsinnaassannigilaq.

§ 75. Kingornussassaliatut aalajangersagaq pinngitsaaliilluni, peqquserlulluni allatulluunniit pissusissaanngitsumik sunniiniarluni, ilanngullugit kingornutassaqtitsisup nalilersuisinnaannginneranik, sanngiillsimaneranic pingitsuuisinnaannginneraniilluunniit atornerluinikkut pilersinneqarsimasutut isumaqarfigneqarpat atorsinnaangilaq.

§ 76. Kingornussassaliatut aalajangersagaq, kukkusumik allasimasoqarnera imaluunniit allatigut kukkusoqarsimanagera pissutigalugu siunniussaasumit allaanerusumik imaqaqarsimasoq, eqqortumik isumaasut ma-

lillugit sapinngisamik piviusunnngortinniarneqassaaq. Tamanna aalajangersimasumik paasineqarsinnaanngippat, kingornussassaliatut aalajangersagaq atorsinnaanngilaq.

§ 77. Kingornussassaliatut aalajangersagaq atorsinnaanngilaq, imaappat
1) kingornussassaqtitsisoq pilersitsinermini pissutsit aalajangersakkamut aalajangiisut pillugit paatsiveerusimaarsimappat, imaluunniit
2) pissutsit aalajangersakkamut aalajangiisut pilersitsinerup kingorna imatut allanngorsimappata, kingornussassaqtitsisoq tamatuminnga ilisimasaqartuuguni aalajangersakkamik utertitsisimassagaluarpata.

Imm. 2. Taamaattoq imm. 1 apeqquataatinnagu eqqortumik eqqarsaatit paasineqarsinnaappata, aalajangersagaq taakku malillugit piviusunnngortinneqassaaq.

§ 78. Kingornussassamik aalajangersagaq pigisanik atuinissamik imaluunniit suujunnaarsitsinissamik siunniussaqqartoq, tamannalu erseqqissumik isumatuujunngitsuuppat, atorsinnaanngilaq.

§ 79. Kingornutassap atorsifnnaassusianut kinaluunniit kingornutassiap atorsinnaanngissusia nalunaarutigineqarpata kingornutaqarumaarsinnaasoq akerliliisinnaavoq.

Kapitali 13

Ataatsimoorussamik kingornutassiaq

Ataatsimoorussamik kingornutassiakkut atugassiinermik utertitsineq

§ 80. Ataatsimoorussamik kingornutassiakkut atugassiinermik utertitsineq atorsinnaassaguni illuatungaasup aappaanut nalunaarutigineqassaaq, tamanna pissutsit immikkut ittut pissutigalugit ajornavinnngippat.

Inuunertunerusup kingornutassiinissamut pisinnaatitaaffia

§ 81. Aappariit ataatsimoorussamik kingornutassiinikkut atugassiinerminni inuunertunerusup toqukkut qimagunnerani kingornutassat qanoq agguanneqarnissaannik aalajangiisimappata, aapparisaq inuunertunerusup kingornutassiinermigut aapparisaq inuunertunerusup toqukkut qimagunneratigut pigisani kingornutassat pituttugaanngitsut qanoq agguanneqarnissaat aalajangersinnaavaa, taamaattoq tak. imm. 2.

Imm. 2. Aapparisaq inuunertunerusup kingornutassiinermigut tulluuttut atugassiissutigisinnaanngilai

1) kingornutaassat pituttugaanngitsut, ataatsimoorussamik kingornutassiinikkut siulliulluni toqukkfut qimaguttup inuunermini immikkut kingornussisussaanut tuttussat, aamma

2) kingornutassat pituttugaanngitsut affai, ataatsimoorussamik kingornutassiineq naapertorlugu inuunermi ataatsimoorussamik kingornussisussaanut tuttussat.

Imm. 3. Ataatsimoorussamik kingornutassiinikkut atugassiineq aapparisap inuunertunerusup kingornutassiinissamut pisinnaatitaaffianik aalajangersakkamik imaqarpat, imm. 1 aamma 2 atorneqassanngillat.

§ 82. § 81 assigisaanik atorneqassaaq, tamatumani ataatsimoorussamik kingornutassiineq katissimasat akornanni pinnani allanit pilersinneqarsimappat.

Inuunertunerusup inuugallartilluni atuisinnaatitaanera

§ 83. Aappariit ataatsimoorussamik kingornutassiornermikkut inuunertunerusup toqukkut qimagunneratigut kingornussassat qanoq agguanneqarnissaat aalajangersimappassuk, tamannalu inuunertunerusup utertissinnaa-nagu, inuunertunerusup tulluuttunik iliuuseqarnermigut avaqqussinnaanngilaa

1) aningaasaatinut atsikkutigiinngitsumik nalilinnik tunissuteqarluni imaluunniit kingornussassamik siumoortitsilluni, imaluunniit

2) inuunermut sillimmasiinermit assigisaanilluunniit aaqqissuussinermit aningaasat aningaasaatinut atsikkutigiinngitsumik annertussusillit atorlugit pilersitaasumut salliutitamik pilersitsilluni.

Imm. 2. Inuunertunerusoq imm. 1, nr. 1 unioqutillugu atuisimappat, siulliulluni toqukkut qimaguttup kingornussisussaata taamatut atuisimaneq uterteqqullugu piumasaaqatigisinnaavaa, tigussisup tamanna ilisimasimappagu imaluunniit ilisimasariaqarsimagaluarpagu.

Imm. 3. Inuunermut sillimmasiissut assigisaanilluunniit aaqqissuussineq imm. 1, nr. 2-mut ilaasoq salliutitamut akilerneqarpat imm. 2 assigisaanik atorneqassaaq.

Imm. 4. Aapparisap inuunertunerusup toqukkut qimagunnerani imm. 2 aamma 3 atorneqassanngillat, kingornussisussap pineqartup kingornussisissamut pisinnaatitaaffini matussuserneqartissinnaappagu, pineqartumut pigisanit tigumiaannakkanit akiliuteqartitsinikkut, tak. § 85.

Imm. 5. Imm. 2-4 atorneqassanngillat, tamanna kingornutassiinikkut pisinnaatitaanngippat.

2) § 87 malillugu kingornutassiorsimangippata, taanna malillugu inooqat alla kingornussinissamut pisinnaatitaaffeqarluni.

Imm. 2. § 87 malillugu kingornutassiaq aamma taamaallaat atorsinnaavoq, piffissami inooqatip siulliulluni toqukkut qimaguttup toqukkut qimagunnerani illuatungeriit ataatsimoorussamik najugaqarfimmini inooqatigiippata, aamma

1) marluullutik angajoqqaajullutik meerartaartussaagaluarput, ataatsimoorussaminnik meeraqarsimapput imaluunniit meeraqarsimagaluarlutik, ima-luunniit

2) ukiuni kingullerni marlunni katissimasunut assingusumik ataatsimoorussamik najukkaminni inooqatigiissimapput.

Imm. 3. Ataatsimoorussamik najugaqarnek unittutut isigineqarneq ajorpoq, najukkami allami utaqqiisaasumik najugaqarnermi imaluunniit paaqqinniffimmi najugaqarallarnermi.

§ 89. Kingornutassiami § 87 malillugu aalajangersakkat atorunnaassapput, illuatungeriit imminnut katippata imaluunniit illuatungaasut aappaat alalamut katippat.

Kapitali 14

Nalilersuinerup kingorna tigusinissaq pillugu aappariit kingornutassinikkut aalajangersagaat

§ 90. Aapparisaq kingornutassinikkut pigisat ataasiakkaat tamakkiisumik nammineq immikkut ittumik pigisani imminut atugassiarisinnaavai.

§ 91. Aapparisaq pigisani ataatsimoorussamik pigisaasuni naliliutinik qimataqartoq, kingornutassinermigit pigisat imminermunit pigineqartut imminermunit atugassiissutigisinnaavai, aamma ataatsimoorussamik pigisat ilaasa iluanni annertussuseqarpata, aapparisaq toqukkut qimagunneratigut imminermunit kingornutassaappata.

Imm. 2. Taamaattoq aapparisaq katissimasami akuersissuteqarneratigut tulliuttunik kingornutassisinnaavoq

1) pigisat aalaakkaasut imaluunniit pigineqatigiilluni inissiaq, ilaqutariit najugaattut atorneqartoq, imaluunniit aappariit imaluunniit aappariit aappaata inuussutissarsiutitit suliffeqarfiata angerlarsimaffigisaa,

2) ataatsimoorussamik angerlarsimaffigisami pigisat,

3) aapparisaq aappaata sulinermini sakkui imaluunniit

4) angallassissut motoorilik, aapparisaq aappaanit atorneqarsimasoq.

Kapitali 15

Tulleriinnilersuinermik allanngortitsineq

§ 92. Kingornutassiisup kingornutassalik kingornussaminik aalajangersimasunut atuisussanngorlugu pisussaaffilersimappagu, imaluunniit kingornussaminik atuinissamut killilersorsimappagu, justitsministerip imaluunniit justitsministerip tamatumunnga piginnaatitaata pissutsit immikkut ittut taamaattariaqartippassuk kingornutassiinikkut tamatuminnga aalajangersakkat allanngortinneqarnissaat akuersissutigisinnaavaat.

Imm. 2. Imm. 1 malillugu aalajangiisoqartillugu pingaartumik kingornutassiinerup siunertaa qanorlu ittuunera, kingornutassiinerullu pilersinneqarneraniit pissutsit allanngortut, aalajangersakkap piviusunngortinneqarsinnaassusia naapertuuttuuneralu kiisalu kingornussisup mianerineqarnissaa pingaartinneqartassapput.

Imm. 3. Aalajangersakkap imm. 1-imi taaneqartup malinneqarneranik kingornutassaqaqtitsisoq nakkutilliisumik ivertitsisimappat, taanna akuersiteqqaartinnagu allannguisoqarsinnaanngilaq, pissutsit immikkut ittut taamaattariaqartippassuk aatsaat taamatut iliortoqarsinnaalluni.

Kapitali 16

Toqunermi tunissutit il.il.

§ 93. Kingornutassiineq pillugu maleruagassat tunissutinut assigisaanik atorneqassapput, imaappat

1) tunniussisoq inuugallartillugu tunniunneqarpata, kisianni tunniussisup toqukkut qimagutereerneratigut aatsaat piviusunngortinneqarnissaat aalajangigaalluni, aamma

2) tunniussisup toqukkut qimagunnera sioqqutitsiarlugu tunniussaallutik piffissami toqukkut qimagunnissaq piartortutut isigineqarluni, aamma tunniussisup tamanna ilisimallugu.

Imm. 2. Imm. 1, nr. 2 atuutinngilaq tunissutinut nalinginnaasunut.

Kapitali 17

Inuunertunerunissamut piumasaqaat

§ 94. Kingornutassiami allamik aalajangiisoqarsimanngippat, kingornutassaqaqtitsisup toqukkut qimagunnerani suli inuusoq, imaluunniit tamanna sioqqullugu naartunngoreersimasoq kingornalu uumalluni inunngortoq kingornussinissamut pisinnaatitaaffeqarpoq.

Imm. 2. Inuit marluk imminnut kingornussiffiginissamut pisinnaataaffeqartut toqukkut qimagussimappata, kinalu siulliulluni toqukkut qimagus-

simanersoq ilisimaneqarnerani, arlaata aapparminit inuunertunerusimanis-
saanik isiginnittoqassanngilaq.

Kapitali 18

Kingornutassat naalagaaffimmut nakkartinneqartussat

§ 95. Inatsit malillugu kingornussisussaqaqngippat imaluunniit kingornu-
tassiisoqarsimanani, toqukkut qimaguttup aningaasaatai naalagaaffimmut
nakkartinneqassapput.

Imm. 2. Kingornutassat naalagaaffimmut nakkartinneqarpata, justitsmin-
isterip imaluunniit justitsministerip tamatumunnga piginnaatitaata qinnuigi-
neqarnermigut aalajangersinnaavaa kingornutassat kingornutassiami assua-
rineqarsinnaasumi aalajangersakkat malillugit agguanneqassasut, kingor-
nutassat toqukkut qimaguttup kingullertut kissaatigisaatut takussutissaasu-
tut isumaqarfigineqarsinnaappata.

Imm. 3. Kingornutassat naalagaaffimmut nakkartinneqarpata, pissutsillu
immikkut taamatut ittariaqartippassuk, justitsministerip imaluunniit justits-
ministerip tamatumunnga piginnaatitaata qinnuigineqarnermigut ilanngul-
lugu aalajangersinnaavaa kingornutassat tamakkiisumik ilaannarkortumil-
luunniit ukununnga tutsinneqassasut

- 1) toqukkut qimaguttup inooqataanut,
- 2) inuit toqukkut qimaguttumi meerarsiatut imaluunniit paaqqutarisatut
peroriartorsimasut,
- 3) inuit toqukkut qimaguttoq peqatigalugu paaqqutarisatut imaluunniit
qatannutisiatut peroriartorsimasut,
- 4) toqukkut qimaguttup ilaquataanut, naliliutit tamakkiisumik ilaannakortu-
milluunniit ataatsimoorussamik ilaquataasumit pinngorfeqarpata, imaluun-
niit
- 5) inuit allat suliffeqarfiilluunniit, toqukkut qimaguttup qanimut attuumas-
suteqarfigisaanut.

Imm. 4. Kingornutassat naalagaaffimmut nakkartinneqartut Udbetaling
Danmarkip allaffissornikkut aqussavai.

Imm. 5. Naalagaaffik kingornussisussaatiillugu, pigisat aqunneqarnissaan-
nut justitsministeri maleruagassanik aalajangersaassaaq.

§ 96. § 95, imm. 2 aamma 3 malillugit aalajangiinerit aalajangiinermiit
qaammatit pingasut qaangiutsinnagit Kalaallit Nunaanni Eqqartuussivim-
mut suliaassiissutigineqarsinnaapput.

Imm. 2. Kalaallit Nunaanni Eqqartuussivik eqqartuussuteqarnermigut
aalajangiissaaq.

Imm. 3. (Kalaallit Nunaanni atuutilersinneqassanngilaq).

Kapitali 19

Nalimmassaanermut aalajangersakkat

§ 97. § 5, imm. 2, aamma § 11, imm. 2-mi aningaasanut killiliussat ukiumoortumik ulloq 1. januar 2,0 procentimik ilallugit ilanngarlugilluunniit nalimmassarneqartassapput, ukiumi naatsorsuiffiusumi pineqartumi nalimmassaanermut kvofitienti apeqqutaatillugu, tak. satsreguleringsprocenti pil-lugu inatsit. Nalimmassaaneq piffissami nalimmassaaffiusumi akunnaal-lisaaneq sioqqullugu aningaasanut killiliusaaq atuuttoq tunngavigalugu pis-saaq. Aningaasat nalimmassakkat koruuninut ilivitsunut qaninnerpaanut 10.000-inik agguarneqarsinnaasunut qummut akunnaallisarneqassapput.

Imm. 2. Nalimmassaanerit justitsministerip ukiumoortumik nalunaarutigi-sassavai.

Kapitali 20

Allamiut inatsisaannut pissutsit

§ 98. Kingornutassat pillugit danskit allamiullu inatsisaanni malerugas-sani assigiinngissutaat pillugit danskit naalakkersuisui naalagaaffinnik isu-maqatigiissuteqarsinnaapput. Isumaqatigiissutit taakku Kalaallit Nunaannut atuutissapput, maleruagassat atuuttut malillugit nalunaarummik saqqummi-ussereernikkut.

Imm. 2. Aammattaaq kingornutassat pillugit danskit nunallu avannarliit maleruagassaasa akornanni pissutsit pillugit justitsministeri maleruagassa-nik aalajangersaasinnaavoq.

Kapitali 21

Atuutilerfia aamma ikaarsaariarnermi maleruagassat

§ 99. Peqqussut ulloq den [indsæt] atuutilissaaq.

Imm. 2. Peqqussutip atuutilernerata kingorna kingornutassaqartitsisup to-qukkut qimagunnerani peqqussut atorneqassaaq, § 102-p kinguneranik al-latut iliortoqassanngippat. Peqqussutip atuutilertera sioqqullugu kingornu-tassaqartitsisoq toqukkut qimagussimappat, maleruagassat maannamut atuuttut atorneqassapput § 103-p kinguneranik allatut iliortoqassanngippat.

§ 100. (Kalaallit Nunaanni atuutilersinneqassanngilaq).

§ 101. (Kalaallit Nunaanni atuutilersinneqassanngilaq).

§ 102. Kingornutasssiinerit kingornussinissamullu inatsisitigut iliuutsit al-lat, kiisalu taakkunangga atorunnaarsitsinerit, suliamut akuusinnaaneq ilus-aallu eqqarsaatigalugit inatsimmi piumasaqaatinik eqqortitsinngitsut, inatsi-sip atuutilertera sioqqullugu maleruagassallu pilersinneqarnermik imaluun-niit atorunnaarsinneqarnermik nalaani atuutut malillugit pilersinneqarsi-magunik atorsinnaapput.

Imm. 2. (Kalaallit Nunaanni atuutilersinneqassanngilaq).

Imm. 3. (Kalaallit Nunaanni atuutilersinneqassanngilaq).

§ 103. Aappaasup inuunertunerusup siulliulluni toqukkut qimaguttoq kingornussat pillugit inatsimmi maannamut atuuttumi § 6, imm. 2 malillugu kingornussiffigisimappagu, § 15 aamma atorneqassaaq.

Imm. 2. Aamma pigisanut nikisinnagit pigiinnarneqartunut, inatsit atuuti-lersinnagu kingornussassaqaartitsisoq inatsit atuutilersinnagu kisianni kingornussassaqaartitsissoq Kitaani najugaqarsimappat 1. juli 1964 sioqqun-nagu toqukkut qimagussimappat aamma kingornussassaqaartitsisoq Avan-naani imaluunniit Tunumi najugaqarsimappat 1. marts 1966 sioqqunnagu toqukkut qimagussimappat, §§ 24-29 aamma §§ 33-34 atorneqassapput. Taamaattoq atugassanngortitsineq tunuartinneqarsinnaasoq inatsisip atuuti-lernerata kingorna iliuuserineqarsimappat §§ 30-32 taamaallaat atorneqar-sinnaapput.

Imm. 3. § 56, nr. 3 malillugu kingornutassanik pituttugaasunik iperaaneq, aamma pisinnaavoq kingornutassaqaartitsisoq inatsisip atuutilertera sioqqul-lugu toqukkut qimagussimappat.

Imm. 4. Atugassiissutitut inatsisip atuutilertera kingorna iliuuserineqar-tunut, siulliulluni toqukkut qimaguttup inatsisip atuutilertera kingorna to-qukkut qimagunnera apeqqutaatinnagu § 83 atorneqassaaq.

Imm. 5. Kingornutassaqaartitsisoq inatsip atuutilertera sioqqullugu toquk-kut qimagussimagaluarpuunniit § 92 aamma atorneqassaaq.

§ 104. Peqqussutip atuutilerterani Kalaallit Nunaanni kingornussisarner-mik inatsit atorunnaarsinneqassaaq, tak. inatsit nr. 154, 27. maj 1964-ime-ersoq, taamaattoq tak. imm. 2.

Imm. 2. Taamaattoq Kalaallit Nunaanni kingornussisarnermik inatsimmi § 42, imm. 2 atuutiinnassaaq, tak. inatsit nr. 154, 27. maj 1964-imeersoq.

§ 105. (Kalaallit Nunaanni atuutilersinneqassanngilaq).

§ 106. Nalunaarutit inatsit naapertorlugu atuutilersinneqarnikut Kalaallit Nunaanni atuutilersinneqassanngillat

ⁱ Aalajangersagaq imatut oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisianni kunnqip peqqussutaatigut taakkunani nunap immikkoortuinut atuutilersinneqarsinnaavoq, Savalimmiuni Kalaallit Nunaannilu pissutsit immikkut ittut pisariaqartitaannik allannguutitalerlugu.«

ⁱⁱ Aalajangersagaq imatut oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisianni § 3 kunnqip peqqussutaatigut taakkunani nunap immikkoortuinut atuutilersinneqarsinnaavoq, Savalimmiuni Kalaallit Nunaannilu pissutsit immikkut ittut pisariaqartitaannik allannguutitalerlugu.«

ⁱⁱⁱ Aalajangersagaq imatut oqaasertaqarpoq: »*Imm. 2.* §§ 1-3 aamma 5 kunnqip peqqussutaatigut Savalimmiunut Kalaallit Nunaannullu atuutilersinneqarsinnaapput, Savalimmiuni Kalaallit Nunaannilu pissutsit pisariaqartitaannik allannguutitalerlugit.«

^{iv} Aalajangersagaq imatut oqaasertaqarpoq: »*Imm. 2.* Inatsimmi §§ 1-4 aamma 7 kunnqip peqqussutaatigut Savalimmiunut Kalaallit Nunaannullu tamakkiisumik ilaannakortumilluunniit atuutilersinneqarsinnaapput, Savalimmiuni Kalaallit Nunaannilu pissutsit pisariaqartitaannik allannguutitalerlugit.«

^v Aalajangersagaq imatut oqaasertaqarpoq: »*Imm. 3.* Inatsimmi §§ 21, 23 aamma 41 kunnqip peqqussutaatigut Kalaallit Nunaannut tamakkiisumik ilaannakortumilluunniit Kalaallit Nunaannut atuutilersinneqarsinnaavoq, Kalaallit Nunaanni pissutsit pisariaqartitaannik allannguutitalerlugu.«